

Qaamaneq tikiuppoq

Decemberip 21-at Danmarkimi aammalu Kalaallit Nunaanni ukiup ulluini naannersaavoq. Seqineq kingusittukkut nuisarpoq siusittukkullu tarrittarluni. Taamaalisarnera ullukinneq-mik taaneqartarpoq. Tassanngaanniit ullut talliartoqqilertarput. Junip 21-ata tungaanut talliartortarput.

Qangarsuarli ukiumi ullut talliartuleraangata inunnit nalliuttorsiutigineqartarpoq. Issittup taarnerullu ataani qaamanerup uteriartuaarnera nalliuttorsiutiginiarlugu.

Vikinngit jøl-at

Vikinngit nalaanni Danmarkimi ullukinnerup nalaani, qaammatip ataatsip missaani nalliuttorsiorneruaqartarpoq. Taamannak nalliuttorsiorneq jøl-mik taasarsimavaat. Jøl isumaqarpoq festi. Festiraangamik nerersuartarsimapput imersuortarlutillu. Inuit tamarmik festeqataasarsimapput, illoqarfimmilu siuttuusup nerisassat tamaasa tunissutigisarpai.

Tamatigut puulukinik siatanik nerersuartarsimapput. Neriutigalutillu Odin-ip puulukiutaa Særimner pillugu oqaluttuaq oqaluttuarineqartarpoq. Taannagooq unnuit tamaqqinnaasa toqunneqartarsimavoq Odinillu illussaarsuaani Valhalla-mi nerineqarluni. Ullaalli tamaqqinnaasa uummaqittarsiluni. Puuluki toqunneqannginnerani vikingit angutitai puulukip qatigaa assamminnik patillugu høvdingertik neriorsortarpaat qanorluunniit pisoqaraluarpat tapersersortuaannarusullugu.

Høvdingi kisimi tukkortuusimangilaq. Festernerni aamma guutiminnut pilliuteqartarput. Tassami guutit tunineqaraangamik aamma namminneq tunisisarmata, immaqa ukiumik issaasattumik tunisissapput imaluunniit peqqinnermik. Vikingit tunissutaat assigiinngittarput, immaqa allunaasaq perлагаq, nerisassat imaluunniit uumasooq toqutaq. Pilliutit pilliivimmuut immikkut ittumut ilineqareeraangata, guutillu skåleerutigereeraangamikkit, festerneq ingerlaqqittarpoq.

Illoqarfimmi festertoqarnera tikittunut qularutissaaneq ajorpoq. Tassami illup festerfiusup iigai uumasut pilliutigineqarsimasut aavanik taninneqartarput, aammalu niaqui qisunnut amitsukujuunut nivinngarneqartarlutiki. Pilliutigineqarsimasut suunersut kikkunnulluunniit takuneqarsinnaassammata. Aamma uumasut ivikkanik sanallugit pilerseqqinneqartarput. Immaqa vikingit isumaliortarsimapput taamaaliorunik Thor-ip savaasaataattut uummarteqqissinnaasallugit.

Inuit Ullukinnerorsiortarnerat

Aamma Kalaallit Nunaanni decemberip 21-at ukiup ulluini naannersaavoq. Ulloq taanna taajuuteqarpoq Ullukinneq, nalliuttorsiutigineqartarsimallunilu.

Itsaq Ullukinneq immikkut ittumik malunnartinniartarsimavaat. Nunaqarfimmi Inuit tamakkerlutik nerisassanik illinnartunik nerisasaqartarsimapput. Aasaanerani nerisassanik pilisarpur, ukiornissaanullu toqqorsisarlutik. Illinnarneraat Ullukinnermi nerineqartarsimapput.

Inoqatiminnut tunissuteqartarsimapput. Soorlu kamiit nutaat, atisat nutaat immaqaluunniit piniarnermut atortussat. Nerereeraangamik oqaluttuaqattaattarpur. Immaqa Sassuma Arnaa pillugu oqaluttuaq imaluunniit ullorissat Altair Tarazed-lu (Aassuutit) pillugit oqaluttuaq oqaluttuaannut ilaasinnaappur.

Kalaallit Nunaanni seqineq ukiukkut nuissaartarpoq. Soorlu immamut kiviinnartartoq. Kisianni Ullukinnermi ullorissat Altair Tarazed-lu (Aassuutit) qilammi takkuttarpur. Aappaluusattumik qaamaneqaramik qilammi erseqqaarillutik takuneqarsinnaasarpur. Oqaluttuarineqartarpoq ullorissanngooruna seqineq imaanit qaqittaraat. Ullorissat taakku takkukkaangata nalliuttorsiorneq aallartittarpoq. Tassami ukiorsuaq kiisami naalermat.

Aammagooq Altair Tarazed-lu (Aassuutit) qilammiinneranni allunaanik pinnguarneq inerteqqutaasarpur, tassami seqineq allunaanut naatissinnaammat.

Ilaanni oqaluttuat tivaatigaluni oqaluttuarineqartarpur. Tivaneq, erinarsorneq aalanerlu atorlugit oqaluttuaq oqaluttuarineqartarpoq. Uaajeerneq nuannerlunilu quilertanartarsimavoq. Uaajeertoq ersinartunngortillugu atisalersorneqartarpoq, tassami kiinarpalerluni aalallunilu ilammunik ersisaariniami.

Assinik (1-3) ukununga apeqqutinut tulluuttunik qinersigit.

Assip takutippaa ileqqutoqaq ...

- Jiisusip inunngornera pillugu oqaluttuamut assigusumik
- Vikingit Ullukinnermi nalliuttorsiortarnerannut assigusumik
- Inuit Ullukinnermi nalliuttorsiortarnerat pillugu oqaluttuamu assigusumik
- Ileqqutoqaq nuannersoq upperisarsiornermut tunngassuteqanngilluinnartoq